

4. oktober 2022

Nioqqutissanik eqqussuinermi akitsuutit pillugit Inatsisartut inatsisaata allanngortinneqarnera pillugu Inatsisartut inatsisaattut siunnersuut

(Aningaasaqarnermut Naligiissitaanermullu Naalakkersuisoq)

Simumiit Naalakkersuisut akileraarutit pillugit Inatsisaata allanngorneqarnissaanut siunnersuutaanut imatut oqaaseqassaagut.

Siullertut Siumumiik pingaartipparput inuiaqatigiinni aningaasat pisissutaasinnaanerat pitsanngorsartuassallugu. Akitsuutit ilaatigut aaqqussuunneqartarput nunarsuarmi pisut naapertorlugit maanga nunatsinnut tulluarsarnissaat. Apeqqutaalluinnartuuvorlu nunattaana suna anguniaraa. Nunarsuarmi inuiaqatigiit suliffissuarnik atortorissaarutinillu allanik atuinerat, industrialisering aallartippoq, atortut naammassineqanngitsut tikisinnerisigut, taakkualu nunami atuisunut naapertuuttunik nammineerluni pilersitsineq, minnerunngitsumik suliffissaqartitsinissap aningaasarsiornerullu tungaatigut.

Siumumiillu pingaartipparput, akitsuusitigut aaqqussuunitsinni atortut, nerisassat il. il. Naammassineqanngitsut suut nunatsinni suliaringaanni suliffeqarfinnik aammalu pilersitsinikkut inuiaqatigiinnut iluaqutaassanersut nalilersortuassallugu. Massakkut takusinnaavarput kaffi sikatsitassaq nunatsinnut tikiseriarlugu sikatsittivimmik pilersitsisoqartoq, tamannalu kaffimik sikatseqqammersumik pitsaasumik pisiassaqartitsisoq aammalu minnerunngitsumik suliffissanik pilersitsisoq, allatigullu akileraarutisigut nunatsinnilu aningaasarsiornermut, naak immaqaa annertunerpaarsuunngikkaluamik iluaqutaasooq. Qanorli ilaa pisiassat amerlanerusut taamaasiortuugutsigit nunatsinni namminersortut, suliffissat, pilersitserusussuseq il. il. toqqammavilersinnaangaluarpagut – ullumikkummi namminersortut pisortat ingerlataanut naleqqiullugit amerlanerusariaqaralarput.

Siumumiik tungaviusumik akitsuutinik pisariaqanngitsunik piianeq isumaqatingaarput. Neriutingaarpullu uani nammineq suliffiit nunatsinni pilersinneqarsimasut aamma toqqammavissaat tapersersussallugu. Taamaattumik pitsaanerpaatut isigivarput kaffi, the, timmiarussallu suliarineqanngitsut akileraaruteqannginnissaat, tassa imatut paasillugu, suliarineqareersimappata eqqussat akitsuuteqarlik, nunatsinni pilersitat illersorumallugit.

Siumumiik kaffi, the aammalu timmiarussat akitsuutaat innersuokkusuppagut ataatsimiisitaliami sukumiisumik suliarineqarnissaa, inuiaqatigiinnullu qanoq pitsaanerpaamik kinguneqartitsinnaanissaa siunertaralugu nalilersorneqassasoq.



Uani siunnersuummi aamma pineqarput qamutit motoriillit naalagaaffinnit tamalaanik ullut 30- it inorlugit akileraarutitaqanngittumik eqqussingallarsinnaaneq. Tamanna Siumumiik annerusumik oqaasertalernagu taperserparput.

Siumumiit nuannaarutingaarput akitsuutinik aaqqissuusseqqittoqarnissaanik siunertaq, oqallilluarnissassinillu kissaallusi.

Kuno Fencker, Siumut.